

Transkription von Urkunde ZET 1375a

Ort, Datierung: Zerbst, 1375-10-03

Signatur: Stadtarchiv Zerbst, IA, 36

Inhalt: Rat der Stadt Zerbst: Brauereiinnung

Wy Radmanne schepen jnnygmeyste(r) d(er) stad czerwist . dūn witlyken allen luden . dat wy met /
eyndracht vnd vulbord vns(er) borg(ere) ge meyne hebben ouer gegeuen vm der bruer ynnȳghe in
dis/ser wise . welk man adir vrouwe vns(er) stad in woner vnd medeborg(er) is van buetene inghe
ko=/men eer der bruer ynnȳghe ge stichtyt vnd mak(et) wart vnd vor der ynnȳghe(n) gebruwe(t)
heb=/ben . hebb(e)n sy jenige(n) sonen van buetene jnge bracht dȳ magh dȳ borgerschap wyn(n)en /
nach der stad gnaden . vnd dar nach magh hȳ wyn(n)en dȳ gna(n)ten yn(n)yghen met drey
vierd=/inghe(n) brand(enburgisch) vns(en) h(erre)n eyn vierdingh der stad eyn vierdingh vnd der
yn(n)yghe eyn vierdingh / vnd eyn punt wass(es) thu den lichte(n) vnd disse yn(n)yghe schal alle(n)
yn(n)yghe(n) syn ge meyne des / thu orku(n)de hebbe wi d(er) stad inges(egel) ge hengh(et) an
diss(en) bryff . dat(um) an(n)o do(min)i m c^oc^oc^o lxxv fer(i)a / q(ua)rta p(ro)xima p(ost) festu(m)
michahelis archangeli